



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA TANO

Kikao cha Saba – Tarehe 23 Febuari, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Mwenyekiti wa Kamati ya Fedha, Biashara na Kilimo:

Hotuba ya kuwasilisha Ripoti ya Kamati ya Fedha, Biashara na
Kilimo ya mwaka 2016/2017.

II. MASWALI:

**Ofisi ya Rais, Tawala za Mikoa, Serikali za Mitaa na Idara Maalum
za SMZ:**

41. MHESHIMIWA ABDALLA MAULID DIWANI (Jimbo la
Jang'ombe) – Atamuuliza Mheshimiwa Waziri wa Nchi,
Ofisi ya Rais, Tawala za Mikoa, Serikali za Mitaa na
Idara Maalum za SMZ.

Kumekuwa na utaratibu wa utoaji vyeti vya kuzaliwa
kwa watoto wanaozaliwa kwa kuweka sharti la mzee
kwenda na cheti cha ndoa ndio mtoto apatiwe cheti.

a) Je, utaratibu huu upo kweli.

b) Je, kuendelea kuwa na utaratibu huu hauwanyimi
watoto wengine haki ya kuwa na vyeti hivyo.

c) Je, Serikali inaweka utaratibu gani wa kuwapatia vyeti watoto wanaozaliwa nje ya ndoa.

42. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ

Kwa kuwa Serikali imeweka utaratibu wa kutoa vyeti vya ndoa kwa wanandoa badala ya karatasi zisizo rasmi za ndoa. Na kwa kuwa wanandoa wengi baada ya kupewa karatasi isiyo rasmi anayosaini sheikh anayezesha hawatafuti tena vyeti vya ndoa mpaka litakapotokea jambo litakalomlazimu kutafuta cheti hicho.

Je, Serikali haioni kuna haja sasa ya kuweka ulazima kwa wanandoa kuwa na vyeti vya ndoa.

Ofisi ya Rais, Katiba, Sheria, Utumishi wa Umma na Utawala Bora:

80. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora.

Serikali imeweka utaratibu wa Sheria ambapo mfanyakazi wake akifika umri wa miaka 60 anatakiwa astaafu kwa mujibu wa Sheria na akifika miaka 55 anaweza kuomba kustaafu kwa hiari na kupata haki zake zote.

a) Serikali haioni umuhimu wa kumpa nafasi mfanyakazi anayetaka kustaafu kwa hiari kumpunguzia miaka badala ya 55 ikawa miaka 50.

b) Je, Serikali inazingatiaje suala la wafanyakazi wengi wa Zanzibar ambao wakifika miaka 40 huonesha dalili ya kuwa na maradhi mengi kama sukari, presha, n.k. na wengine huomba kustaafu kwa matatizo ya afya lakini kikomo cha kustaafu cha miaka 55 kinamfunga.

- c) Je, Serikali haioni kama mfanyakazi akistaafu kwa hiari anatoa nafasi kwa vijana kupata ajira.

Wizara ya Elimu na Mafunzo ya Amali:

8. MHESHIMIWA HIDAYA ALI MAKAME (Nafasi za Wanawake) - Atamuuliza Mheshimiwa Waziri wa Elimu na Mafunzo ya Amali:

Kwa kuzingatia umuhimu wa suala la elimu ya mafunzo ya amali hapa Zanzibar na duniani kote katika kuimarisha ujasiriamali kwa kupitia vyuo vya Amali.

Je, Serikali imejipanga vipi katika kutafuta wadhamini na wadau ili kuendeleza elimu hii ya mafunzo ya amali na kupata vitendea kazi kwa ajili ya wanafunzi wa mafunzo hayo.

Wizara ya Habari, Utalii, Utamaduni na Michezo:

95. MHESHIMIWA OMAR SEIF ABEID (Jimbo la Konde) -

Atamuuliza Mheshimiwa Waziri wa Habari, Utalii, Utamaduni na Michezo:

Kwa kuwa kumekuwa na Makampuni ya "Tours Operator" ambayo wamiliki wake ni wageni hayapo chini ya Jumuiya ya watembeza wageni (ZATO) na ambayo yanaingiza na kupokea wageni wengi. Na kwa kuwa Makampuni hayo yanasadikiwa kuwa huwatumia wenyeji kama kivuli cha kufanya biashara zao.

- a) Je, Serikali kwa kushirikiana na (ZATO) wana mpango na mkakati gani wa kuyatambua Makampuni hayo.
- b) Je, ni Makampuni mangapi kama hayo ambayo yamebainika kufanya hivyo na ni hatua zipi zilizochukuliwa baada ya kubainika kufanya udanganyifu huo.

Wizara ya Fedha na Mipango:

53. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Fedha na Mipango:

Pamoja na kazi nzuri inayofanywa na Wizara ya Fedha katika harakati zake za kukusanya mapato na kuratibu shughuli zote za fedha za ndani na nje ya nchi bado taasisi mbali mbali za Serikali zinadai madeni makubwa katika taasisi binafsi.

- a) Je, Serikali imechukua hatua gani kwa Kampuni ya Zantel na Zanzibar Food, ya Malik Faraji kwa madeni yanayodaiwa hadi sasa.
- b) Je, ni jumla ya kiasi gani cha fedha Kampuni hizo zinadaiwa na Serikali.

96. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Fedha na Mipango:

Kwa kuwa sekta ya utalii inagusa sehemu nyingi zenye kuingiza mapato na kwamba kuna watu wengi wanajishughulisha na kubeba na kuwatembeza wageni katika sehemu mbali mbali, ambapo watu hao hupata pesa nyingi kuliko mamalishe ambao wao hulipa kodi ili kuchangia pato la taifa la ndani ya nchi. Na kwa kuwa Makampuni yaliyoko nje yanayojishughulisha na kuwaleta wageni hapa Zanzibar malipo yake hufanywa huko huko nje jambo ambalo linatukosesha mapato.

- a) Je, Serikali imechukuwa hatua gani kuhakikisha kwamba kila mtu au taasisi inayojishughulisha na biashara za kuingiza au kutembeza wageni wanalipa kodi ipasavyo ili kuchangia pato la Taifa.
- b) Je, Serikali kwa kushirikiana na ZATI wana mpango gani wa kufahamu ni Makampuni Mangapi ya watu wanaoingiza na kutembeza watalii.

Wizara ya Kilimo, Maliasili, Mifugo na Uvuvi:

59. MHESHIMIWA SULEIMAN MAKAME ALI (Jimbo la Ziwani) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Ukosefu wa upatikanaji wa huduma za Soko la kuuzia samaki Shehia ya Ziwani umesababisha usumbufu mkubwa kwa kuwakosesha wananchi wanaoishi katika maeneo hayo huduma, kutokana na soko hilo kuwa bovu kwa muda mrefu sasa na kupelekea Serikali kukosa mapato yanayotokana na soko hilo.

Je, ni lini Serikali kupitia Wizara yako itatengeneza soko hilo ili wananchi wapate huduma hizo na Serikali kupata mapato yake kama inavyostahiki.

Wizara ya Afya:

25. MHESHIMIWA ABDALLA MAULID DIWANI (Jimbo la Jang'ombe) – Atamuuliza Mheshimiwa Waziri wa Afya:

Benki ya Damu ilikuwa inafadhiliwa kwa 100% ambapo kwa sasa taasisi ya CDC (Marekani) wameshaondoa ufadhili wao na hivyo kitengo hicho hakiwezi kujiendesha kwani kina mahitaji mengi ikiwemo ununuzi wa vipimo, vifaa, mafuta, posho za wafanyakazi na kadhalika.

- a) Je Wizara ina mpango gani wa kutafuta Mfadhili mwingine ambae anaweza kusaidia Benki hiyo.
- b) Je Wizara ina mpango gani wa kuongeza wafanyakazi ili kupunguza uhaba na ugumu wa kazi kutokana na kusimamishwa kwa ufadhili uliokuwa ukilipa mishahara ya wafanyakazi waliohamishwa.

Wizara ya Ardhi, Maji, Nishati na Mazingira:

17. MHESHIMIWA MASOUD ABRAHMAN MASOUD (Jimbo la Bububu) - Atamuuliza Mheshimiwa Waziri wa Ardhi, Maji, Nishati na Mazingira:

Ujenzi wa barabara za ndani katika Shehia ya Bumbwisudi eneo la Popo kwenda Mambosasa umesababisha uharibifu wa bomba la maji na kuwasababishia wananchi usumbufu kwa kukosa maji safi na salama,.

Je, ZAWA wanazo taarifa za uharibifu wa bomba hilo na kama wanazo wana mpango gani wa matengenezo ya bomba hilo ili huduma ya maji safi na salama iweze kurejea kwa wananchi.

Wizara ya Ujenzi, Mawasiliano na Usafirishaji:

38. MHESHIMIWA DKT. MWINYIHAJI MAKAME (Jimbo la Dimani) - Atamuuliza Mheshimiwa Waziri wa Ujenzi, Mawasiliano na Usafirishaji:

Barabara ya kuingilia Skuli ya Regeza Mwendo kuna matuta (*bumps*) 3, Skuli ya Bububu matuta 3, Skuli ya Mwera kuna matuta (*bumps*) 6; Skuli ya Dunga kuna matuta (*bumps*) 4; Skuli ya Uzini kuna matuta (*bumps*) 8. Matuta hayo yanasaidia sana kupunguza mwendo wa kasi wa Madereva na kuwapa fursa wanafunzi kuvuka barabara kwa usalama zaidi.

Aidha, kutoka Kituo cha Polisi Mazizini mpaka Chukwani Jeshini kuna matuta (*bumps*) 8 barabarani ambayo hayana alama za kuwatanabahisha madereva.

- a) Kwanini Wizara haisimamii uwekaji wa matuta (*bumps*) kama hayo katika Skuli ya Fuoni, Kisauni, Maungani, Kombeni, Bwefum, Kiembesamaki Msingi na Sekondari na Skuli ya Mitondooni ili kuwasaidia Wanafunzi wa Skuli hizo.
- b) Wanafunzi wangapi wamegongwa na gari wakivuka barabara kuingia na kutoka skuli ya Kiembe Samaki kwa mwaka 2014/2015.

c) Sheria gani ya nchi inatoa ruhusa kuweka matuta kwa baadhi ya skuli na nyengine kutowekwa matuta hayo.

43. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Ujenzi, Mawasiliano na Usafirishaji:

Katika siku za karibuni kumekuwa na matumizi mabaya ya mitandao ikiwemo kusambazwa picha za ngono.

Je, hatua gani zimechukuliwa dhidi ya watu wanaofanya vitendo hivyo.

III. HOJA ZA KAMATI:

Mwenyekiti wa Kamati ya Fedha Biashara na Kilimo:

Ripoti ya Kamati ya Fedha, Biashara na Kilimo ya mwaka 2016/2017.

Zanzibar,
23 Febuari, 2017.

(Raya Issa Msellem)
KATIBU WA BARAZA.